



Llywodraeth Cymru  
Welsh Government

---

## **DATGANIAD YSGRIFENEDIG GAN LYWODRAETH CYMRU**

---

**TEITL** Rheoliadau Caffael Cyhoeddus (Diwygio etc.) (Ymadael â'r UE)  
2020

**DYDDIAD** 12 Hydref 2020

**GAN** Rebecca Evans AS, Y Gweinidog Cyllid a'r Trefnydd

### **Rheoliadau Caffael Cyhoeddus (Diwygio etc.) (Ymadael â'r UE) 2020**

#### **Y Gyfraith sy'n cael ei diwygio**

- Rheoliadau Caffael Cyhoeddus (Diwygio etc.) (Ymadael â'r UE) 2019 (2019/560)
- Rheoliadau Caffael Cyhoeddus (Diwygio etc.) (Ymadael â'r UE) 2019 (2019/623)
- Deddf Awdurdod Llundain Fwyaf 1999
- Deddf Cydraddoldeb 2010
- Deddf Gwasanaethau Cyhoeddus (Gwerth Cymdeithasol) 2012
- Rheoliadau Contractau Cyhoeddus 2015
- Rheoliadau Contractau Consesiwn 2016
- Rheoliadau Contractau Cyfleustodau 2016
- Rheoliadau Contractau Cyhoeddus 2006
- Rheoliadau Contractau Cyfleustodau 2006
- Rheoliadau Taliadau Gwasanaeth (Gofynion Ymgynghori) (Lloegr) 2003
- Rheoliadau Darparu Gwasanaethau 2009
- Rheoliadau'r Diwydiant Dŵr (Prosiectau Seilwaith Penodedig) (Ymgymrwyr yn Lloegr) 2013
- Atodiad 16 i Gytundeb yr Ardal Economaidd Ewropeaidd
- Rheoliad 2195/2002 Senedd Ewrop a'r Cyngor ar yr Eirfa Gaffael Gyffredin
- Penderfyniad gan y Comisiwn 2006/211/EC
- Penderfyniad gan y Comisiwn 2007/141/EC
- Penderfyniad gan y Comisiwn 2010/192/EU
- Rheoliad Gweithredu gan y Comisiwn (EU) Rhif 2015/1986
- Rheoliad Gweithredu gan y Comisiwn (EU) 2016/7
- Penderfyniad Gweithredu gan y Comisiwn (EU) 2017/1870

## **Unrhyw effaith y gall yr OS ei chael ar gymhwysedd deddfwriaethol y Senedd a/neu ar gymhwysedd gweithredol Gweinidogion Cymru**

Mae'r OS yn cynnwys darpariaethau sy'n ei gwneud hi'n bosibl i Weinidog Swyddfa'r Cabinet arfer swyddogaethau. Mae angen caniatâd ymlaen llaw gan Weinidogion Cymru ar gyfer rhai ohonynt, a hynny mewn perthynas ag Awdurdodau Cymreig Datganoledig. Mae'r OS hefyd yn cynnwys darpariaethau sy'n ei gwneud hi'n bosibl i un ai Swyddfa'r Cabinet neu Weinidog Swyddfa'r Cabinet arfer swyddogaethau, a Gweinidogion Cymru ar yr un pryd mewn perthynas ag Awdurdodau Cymreig Datganoledig.

Byddai'r swyddogaethau hyn (Gweinidog Swyddfa'r Cabinet/Swyddfa'r Cabinet) yn gyfystyr â swyddogaethau un ai Weinidog y Goron neu awdurdod cyhoeddus (Swyddfa'r Cabinet) at ddibenion Atodlen 7B Deddf Llywodraeth Cymru 2006, a bydd hyn o'r herwydd yn ystyriaeth berthnasol o fewn cyd-destun cymhwysedd y Senedd i ddeddfu yn y meysydd hyn yn y dyfodol.

Mae gan effaith y swyddogaethau cydamserol a geir yn yr offeryn statudol hwn botensial i gynnwys y gofynion cydsyniad yn Atodlen 7B i Ddeddf Llywodraeth Cymru ac felly gallant gyfyngu o bosibl ar gymhwysedd y Senedd yn y dyfodol. Fodd bynnag, rydym yn cynnal trafodaethau gyda Swyddfa Ysgrifennydd Gwladol Cymru mewn perthynas â Gorchymyn a.109 i ddiwygio Atodlen 7B er mwyn negyddu'r cyfyngiad posibl ar gymhwysedd y Senedd yn y dyfodol.

### **Diben y diwygiadau**

Mae dau ddiben i'r diwygiadau. Yn gyntaf, maent yn cywiro diffygion mewn deddfwriaeth mewn perthynas â chaffael cyhoeddus (yn cynnwys diwygiadau canlyniadol i ddeddfwriaeth nad yw'n gysylltiedig â chaffael) sy'n deillio o'r ffaith bod y Deyrnas Unedig yn ymadael â'r Undeb Ewropeaidd. Yn ail, mae'r Rheoliadau yn rhoi effaith i Deitl 8 o Ran 3 o'r Cytundeb Ymadael (sy'n cynnwys Protocol Gogledd Iwerddon) a Theitl 5 o Ran 3 o Gytundeb Gwahanu EFTA yr AEE (gyda'i gilydd, y darpariaethau ymadael perthnasol) i sicrhau u bydd cyfraith yr UE a ddargedwir ym maes caffael cyhoeddus yn gweithio'n effeithiol ar ôl i'r Cyfnod Pontio ddod i ben ar 31 Rhagfyr 2020.

Mae'r Rheoliadau hefyd yn diwygio adran 155(2) a (3) o Ddeddf Cydraddoldeb 2010 er mwyn diffinio term drwy gyfeirio at Reoliadau Contractau Cyhoeddus 2015, yn hytrach na thrwy gyfeirio at y Gyfarwydddeb Sector Cyhoeddus (2014/24/EU). Mae'r diwygiad hwn yn un technegol ei natur ac mae'n ofynnol er mwyn i'r ddarpariaeth hon weithredu'n effeithiol ar ôl i'r Cyfnod Pontio ddod i ben.

Mae Rheoliadau Caffael Cyhoeddus (Diwygio etc.) (Ymadael â'r UE) 2019 (2019/560) a Rheoliadau Caffael Cyhoeddus (Diwygio etc.) (Ymadael â'r UE) 2019 (2019/623) wedi'u dirymu ac mae'r Rheoliadau hyn yn eu disodli.

Mae'r OS a'r Memorandwm Esboniadol sy'n mynd gydag ef, ac sy'n nodi effaith pob un o'r diwygiadau, ar gael yma: <https://www.legislation.gov.uk/ukdsi/2020/9780348212952>

## **Materion o ddiddordeb arbennig i'r Pwyllgor Deddfwriaeth, Cyfiawnder a'r Cyfansoddiad**

Ni nodwyd unrhyw rai.

### **Pam y rhoddwyd cydsyniad**

Nid oes gwahaniaeth rhwng Llywodraeth Cymru a Llywodraeth y DU o ran y polisi ar gyfer y cywiriad. Felly, byddai gwneud OSau ar wahân yng Nghymru ac yn Lloegr yn arwain at ddyblygu gwaith a chymhlethdod diangen i'r llyfr statud. Mae cydsynio i OS ar draws Cymru a Lloegr a Gogledd Iwerddon yn sicrhau bod un fframwaith deddfwriaethol ar draws y DU sy'n hybu eglurder a hygyrchedd yn ystod y cyfnod hwn o newid. O dan yr amgylchiadau eithriadol hyn, mae Llywodraeth Cymru yn ystyried ei bod yn briodol i Lywodraeth y DU ddeddfu ar ein rhan yn yr achos hwn. Mae'r cyfarwydddebau hynny wedi'u trosi ar wahân, ac i raddau yn wahanol, i gyfraith yr Alban, felly bydd Gweinidogion yr Alban yn cyflwyno offeryn diwygio ar wahân mewn perthynas â rheoliadau cyfatebol yr Alban.

Mae Memorandwm Cydsyniad Offeryn Statudol hefyd wedi'i osod yn y Senedd mewn perthynas â'r diwygiadau i Ddeddf Cydraddoldeb 2010